


皇典文彙


上

秋  
部  
門  
番  
号  
冊  
数  
圖  
書  
館  
三  
甲  
三  
一  
三  
二

田  
部  
百  
卷  
八  
冊  
氏  
保  
管

秋  
部  
門  
番  
号  
冊  
数  
圖  
書  
館  
第  
一  
〇  
九  
五  
号  
收





皇典文彙叙  
 皇典者何。蓋美自是始。斜。  
 皇朝之典也。典者何。總順。  
 先王出大經。而萬古不容。  
 泯者也。文彙之書。曷為而  
 作也。蓋自元降

神聖。皇統綿綿。代有制作。建諸  
天地。徵諸度民。著為舊事。  
書紀。施為津令。格式。懿訓。  
淵謨。幽矣。盡矣。自是改降。  
書表序記。以製。相繼而出。

雖有體裁。止殊。焚春容大。  
雅。夫皇典之流。亞也。幽係。  
乎出亂。兵燹相尋。禮典漸。  
崩。延及足利氏之季。而壞。  
亂極矣。大經出不振。識者。  
憾焉。此則斯書之所由作。

也。方令治教隆盛。自然合  
符於往古。著述文章。卅不  
乏其人。尚胥待斯書。出作  
春阿。改新進後生。狂聞漢  
籍。而  
皇朝古文。置而不講也。然

剝斯書。而足歟。曰。此持其  
津筏。百。多學出。先讀斯  
書。以識其體例。沿其流。而  
溯其源。則  
皇朝之典。其亦度于不泯  
矣。彙斯文。改誇後進者。誰

江戸碩學伊吹適屋先生  
也。安政四年丁巳嘉平月

筑前侍讀榎田駿謹撰



同藩

永井諄謹書



### 皇典文彙序

老子曰。執古之道。以御今之  
有。能知古始。是謂道紀。蓋欲  
知古始乎。不可不讀  
皇朝諸典也。欲知諸典之體

裁條例乎。不可不讀其序表也。是我父之教也。若夫搢紳先正諸文。可以執古御今者。亦隸以爲三卷。強爲之名曰皇典文彙。旣以授家童而誦

習之。門下之士亦往往請益於。是乎。恐其魚魯。省其繕寫。乃命鳩工而奏其功也。夫欲知我古道之紀綱乎。亦不可不讀此書也。言之以冠之。

天保八年丁酉正月

平篤胤謹序



皇典文彙卷之一

平篤胤謹校輯 男鐵胤謹書

○古事記序 太安萬侶朝臣

臣安萬侶言夫混元既凝氣象未效無名無  
爲誰知其形然乾坤初分參神作造化之  
首陰陽斯開二靈爲羣品之祖所以出入  
幽顯日月彰於洗目浮沈海水神祇呈於



滌身ヲ故太素杳冥ヲ因本教ヲ而識孕ヲ土產ヲ嶋  
之時ヲ元始綿邈ヲ賴先聖ヲ而察生神ヲ立人之  
世ヲ寔知懸鏡吐珠ヲ而百王相續ヲ喫劍切蛇ヲ  
以萬神蕃息ヲ歟議安河ヲ而平天下ヲ論小濱  
而清國土ヲ是以番仁岐命ヲ初降ヲ于高千嶺ヲ  
神倭天皇ヲ經歷ヲ于秋津嶋ヲ化熊出爪ヲ天劍  
獲於高倉ヲ生尾遮徑ヲ大鳥導於吉野ヲ列儻ヲ

攘賊聞歌伏仇ヲ卽覺夢而敬神祇ヲ所以稱  
賢后望烟ヲ而撫黎元ヲ於今傳聖帝ヲ定境開  
邦制于近淡海ヲ正姓撰氏ヲ勒于遠飛鳥ヲ雖  
步驟各異ヲ文質不同ヲ莫不稽古ヲ以繩風猷ヲ  
於既頽照今ヲ以補典教ヲ於欲絕暨飛鳥ヲ清  
原大宮御大八洲ヲ天皇御世ヲ潛龍體元ヲ游  
雷應期間夢歌ヲ而想纂業ヲ投夜水ヲ而知承ヲ

基然天時未臻。蟬蛻於南山。人事共洽。虎  
步於東國。皇輿忽駕。凌渡山川。六師雷震。  
三軍電逝。杖矛舉威。猛士烟起。絳旗耀兵。  
凶徒瓦解。未移浹辰。氣沴自清。乃放牛息。  
馬愷悌歸於華夏。卷旌戢戈。儻詠停於都  
邑。歲次大梁。月踵夾鍾。清原大宮。昇卽天  
位。道軼軒后。德跨周王。握乾符而摠六合。

得天統而包八荒。乘二氣之正齊。五行之  
序。設神理以獎俗。敷英風以弘國。重加智  
海浩瀚。潭揆上古。心鏡焯煌。明覩先代。於  
是天皇詔之。朕聞諸家之所齎。帝紀及本  
辭。既違正實。多加虛僞。當今之時。不改其  
失。未經幾年。其旨欲滅斯乃。邦家之經緯。  
王化之鴻基焉。故惟撰錄帝紀。討覈舊辭。

削偽定實欲流後葉時有舍人姓稗田名  
阿禮年是廿八爲人聰明度目誦口拂耳  
勒心卽勅語阿禮令誦習帝皇日繼及先  
代舊辭然運移世異未行其事矣伏惟皇  
帝陛下得一光宅通三亭育御紫宸而德  
被馬蹄之所極坐玄扈而化照船頭之所  
逮日浮重暉雲散非烟連柯并穗之瑞史

不絕書列烽重譯之貢府無空月可謂名  
高文命德冠天乙矣於焉惜舊辭之誤忤  
正先紀之謬錯以和銅四年九月十八日  
詔臣安萬侶撰錄稗田阿禮所誦之勅語  
舊辭以獻上者謹隨詔旨子細採摭然上  
古之時言意竝朴敷文構句於字卽難已  
因訓述者詞不逮心全以音連者事趣更

長是以今或一句之中。交用音訓或一事  
之內。全以訓錄。卽辭理。巨見以注明。意況  
易解。更非注亦於姓。日下謂玖沙訶於名。  
帶字謂多羅斯。如此之類。隨本不改。大抵  
所記者。自天地開闢。始以訖于小治田御  
世。故天御中主神以下。日子波限建鷦草  
葺不合。尊以前爲上卷。神倭伊波禮毘古

天皇以下。品陀御世以前爲中卷。大雀皇  
帝以下。小治田大宮以前爲下卷。并錄三  
卷。謹以獻上。臣安萬侶。誠惶誠恐。頓首頓  
首。和銅五年正月二十八日。正五位上勳  
五等。太朝臣安萬侶。

○上續日本紀前表 藤原繼繩公

臣聞黃軒御曆。沮誦攝其史官。有周開基。伯

陽司其筆削。故墳典斯闡。步驟之蹤可尋。  
載籍聿興。勸沮之議允備。暨乎班馬造趣。  
述實錄於西京。范謝分門。騁直詞於東漢。  
莫不表言旌事。播百王之通猷。昭德塞違。  
垂千祀之焰光。史籍之目蓋大矣哉。伏惟  
聖朝承天纂極。貫三才而君臨。就日均明。  
掩八州而光宅。遠安邇肅。文軌可以大同。

歲稔時和。幽顯於焉提福。可謂英聲冠於  
胥陸。懿德跨於勛華者焉。而負展高居。凝  
旒廣慮。修國史之墜業。補帝典之釋文。受  
命臣與正五位上。行民部大輔兼皇太子  
學士。左兵衛佐伊豫守。臣菅野朝臣真道。  
少納言從五位下。兼侍從守右兵衛佐。行  
丹波介。臣秋篠朝臣安人等。銓次其事。以

繼先典。若夫襲山肇基以降。淨御原御寓  
之前。神代草昧之功。往帝庇民之略。前史  
著。粲然可知。除自文武天皇。訖于聖武皇  
帝。記註不昧。餘烈存焉。但起自寶字。至于  
寶龜。廢帝受禪。韞遺風於簡策。南朝登祚。  
闕茂實於徒誦。是以故中納言從三位兼  
兵部卿石川朝臣名足。主計頭從五位下。

上毛野公大川等奉詔編輯合成二十卷。  
唯存案牘類無綱紀。臣等更奉天敕。重以  
討論。芟其蕪穢。以撮機要。撫其遺逸。以補  
闕漏。刊彼此之枝梧。矯首尾之差違。至如  
時節恆事。各有司存。一切詔詞。非可爲訓。  
觸類而長其例。已多。今之所修。竝所不取。  
若其蕃國入朝。非帝制敕。語開聲教。理歸

勸懲總而書之以備故實勒成四十卷繫於前史之末其目如左臣等學謝研精詞慙質辨奉詔淹歲伏深戰兢延曆十三年八月癸丑。

○上續日本紀後表 菅野真道卿

臣聞三墳五典上代之風存焉左言右事中華之迹著焉自茲厥後世有史官善雖小

而必書惡雖微而無隱咸能徽烈絢細垂百王之龜鏡炳戒昭簡作千祀之指南伏惟天皇陛下德炆四乳道契八眉握明鏡以總萬機懷神珠以臨九域遂使仁被渤海之北貊種歸心威振日河之東毛狄屏息化前代之未化臣往帝之不臣自非魏盛德孰能與於此也既而負展餘閑雷

神國典爰勅眞道等銓次其事奉揚先業  
夫自寶字二年至延曆十年三十四年二  
十卷前年勒成奏上但初起文武天皇元  
年歲次丁酉盡寶字元年丁酉總六十一  
年所有曹案三十卷語多米鹽事亦疎漏  
前朝詔故中納言從三位石川朝臣名足  
刑部卿從四位下淡海眞人三船刑部大

輔從五位上當麻眞人永嗣等分帙修撰  
以繼前紀而因循舊案竟無刊正其所上  
者唯二十九卷而已寶字元年之紀全亾  
不存臣等搜故實於司存詢前聞於舊老  
綴敘殘簡補緝缺文雅論英猷義關貽謀  
者總而載之細語常事理非書策者竝從  
略諸凡所刊削二十卷并前九十五年四



十卷始自草稿迄于斷筆七年於茲緇素  
總畢其目如別庶飛英騰茂與二儀而垂  
風彰善彈惡傳万葉而作鑒臣等輕以管  
見裁成國史牽愚歷稔伏增戰兢謹以奉  
進延曆十六年二月己巳

○日本後紀序

藤原緒嗣公

臣緒嗣等討論綿言披閱曩策文史之興其  
來尚矣無隱毫釐之疵咸載錙銖之善炳  
戒於是森羅徽猷所以昭晰史之爲用蓋  
如斯歟伏惟前後太上天皇一天兩日異  
體同允竝欽明文思濟世利物問蒼馬於  
牧童得烹鮮於李老民俗未飽昭華薜蘿  
早收渙汗弘仁十年太上天皇敕大納言  
正三位兼行左近衛大將陸奧出羽按察

使藤原朝臣冬嗣。正三位行中納言。兼民部卿。藤原朝臣緒嗣。參議從四位上。行皇后宮大夫。兼伊勢守。藤原朝臣眞嗣。參議左衛門督。從四位下。兼守右大辨。行近江守。良岑朝臣安世等。監修撰集未了之間。三臣相尋薨逝。緒嗣獨存。後太上天皇詔。副左近衛大將從三位。兼守權大納言。行

民部卿。清原真人夏野。中納言從三位。兼行中務卿直世。王參議正四位下。守右近衛大將。兼行春宮大夫。藤原朝臣吉野。參議從四位上。守刑部卿。小野朝臣岑守。從五位下勳七等。行大外記兼記傳博士。坂上忌寸今繼。從五位下。行大外記。嶋田朝臣清田等。續令修緝屬之讓祚。日不暇給。

今上陛下稟乾坤之秀氣。含宇宙之淳精。受玉璽而允宅。臨瑤圖而治平。仁孝自然。聿修鴻業。聖綸重疊。筆削遲延。今更詔左大臣正二位。臣藤原朝臣緒嗣。正三位守右大臣兼行東宮傅。左近衛大將。臣源朝臣常正三位行中納言。臣藤原朝臣吉野中納言從三位兼行左兵衛督。陸奧出羽

按察使。臣藤原朝臣良房。參議民部卿。正四位下勳六等。臣朝野宿禰鹿取。令遂功。夫仍令前和泉守從五位下。臣布瑠宿禰高庭。從五位下行大外記。臣山田宿禰古嗣等。銓次其事。以備缺文。錯綜羣書。撮其機要。瑣詞細語。不入此錄。接先史後。綴敘已畢。但事緣例行。具載曹案。今之所撰棄

而不取。自延曆十一年正月丙辰迄于天  
長十年二月乙卯。上下四十二年。勒以成  
四十卷。名曰日本後紀。其次第列之如左。  
庶令後世視今。猶今之視古。臣等才非司  
馬。識異董狐。代匠傷手。流汗如漿。謹詣朝  
堂。奉進以聞。謹序承和八年十二月十九  
日。

○續日本後紀序

藤原良房公

臣良房等竊惟史官記事帝王之迹。攢興司  
典。序言得失之論。對出憲章。稽古設阻。勸  
而備遠圖。昭鑒將來。存變通而垂不朽者。  
也。伏惟先皇帝體元膺籙。司契脩機。夢想  
華胥之壇。拱默大庭之觀。以爲承和撫運。  
歷稔惟長。善政森羅。嘉謨猥藉。未編簡牘。

恐或湮淪爰詔大政大臣從一位臣藤原朝臣良房右大臣從二位兼左近衛大將臣藤原朝臣良相大納言從三位民部卿兼大皇太后宮大夫臣伴宿禰善男參議正四位下式部大輔臣春澄朝臣善繩散位從五位下臣縣犬養宿禰貞守等因循故實令以撰修筆削之初宮車晏駕白雲

之馭不返蒼梧之望已遙今上陛下河清而後興社鳴而乃出其道德則堯與舜其城郭則義將仁四海常夷萬機多暇按文芸閣嫌舊史之有虧留滕蘭臺恨先旨之未竟重勅臣等責以亟成臣等奉勅廻惶不敢懈緩事多差牙尚致淹延其間右大臣良相朝臣顯女病里第收影北邙大納言

善男宿禰犯罪公門竄身東裔散位貞守  
且參其事不遂斯功出使邊州沒從京兆  
唯臣良房與式部大輔善繩辛勤是執以  
得撰成起自天長十年二月乙酉訖于嘉  
祥三年三月己亥摠十八年據春秋之正  
體聯甲子以詮次考以始終分其首尾都  
爲二十卷名曰續日本後紀夫尋常碎事

爲其米鹽或略弃而不收至人君舉動不  
論巨細猶牢籠而載之矣臣等識非商董  
才謝馬班謬忝撰修伏慙淺短謹詣朝堂  
奉進以聞謹序貞觀十一年八月十四日

○文德天皇實錄序

藤原基經公

臣基經等竊惟自古人君王者莫不用天度  
而敘憲章立日官而平曆數故姬漢之千

餘載善惡呈理於掌中。齊梁之百所年。昏  
明析微於眼下者也。伏惟太上天皇。孝治  
有日。文思垂風。夢想先皇之起居。庶幾聖  
主之言動。去貞觀十三年。詔右大臣從二  
位兼行左近衛大將。臣藤原朝臣基經。中  
納言從三位兼行民部卿。春宮坊大夫。臣  
南淵朝臣年名。參議正四位下。行左大辨。

臣大江朝臣音人。外從五位下。行大外記。  
善淵朝臣愛成。正六位上。行少內記。都宿  
禰言道。散位正六位上。嶋田朝臣良臣等  
數人。據舊史氏。始就撰修。三四年來。編錄  
疎略。適屬捐讓。刀筆暫休。今上陛下。武子  
文孫。重熙累洽。追尋前業。愈勸勒修。數月  
以降。大納言正三位。臣年名。參議從三位。

左衛門督臣音人。天不憖遺奄然下世。至元慶二年更勅攝政右大臣臣基經俾命參議刑部卿正四位下兼行勘解由長官近江守臣菅原朝臣是善等與前修史者文章博士從五位下兼行大內記越前權介都朝臣良香從五位下行大外記嶋田朝臣良臣等專精實錄潭思必書良香愁

斯文之晚成恐彼命之早殞注記隨手已去忽焉臣等百倍筋力參合精誠銘肌不遑鞅掌從事起自嘉祥三年三月己亥訖于天安二年八月乙卯都盧九年勒成十卷春秋繫事鱗次不愆動靜由衷毛舉无失唯細微常語麤靡小庶機今之所撰弃而略焉名曰文德天皇實錄取諸雖百世可



知也。臣等生謝龍門，種非虎乳，殊恐謬缺。文於聖訓，忝直筆於明時。謹詣天闕，奉進以聞。謹序。元慶二年十二月十三日。

○三代實錄序

藤原時平公

臣時平等竊惟帝王稽古，咸置史官，述言事而徵廢興，甄善惡以備懲勸。開闢之辰，旦暮於手披之處，逐初之迹，俄頃於目閱之

間者也。伏惟太上天皇生知至聖，性植純仁，體耀魄而居宸平，泰階而建極，彝倫攸敘，憲章該舉，以爲始自貞觀，爰及仁和。三代風猷未著，篇牘若缺，文之靡補，恐盛典之長虧。詔大納言正三位兼行左近衛大將皇太子傅陸奥出羽按察使臣源朝臣能有中納言兼右近衛大將從三位行春

宮大夫。臣藤原朝臣時平。參議勘解由長官。從四位下。兼守右大辨。行春宮亮。臣菅原朝臣道真。從五位下。行大外記。兼播磨權大掾。臣大藏朝臣善行。備中掾。從六位上。三統宿禰理平等。因循舊貫。勒就撰修。四五年來。大納言能有朝臣。拜右大臣。奄然殞逝。既而搜采稍周。條流且辨。天皇倦

負屨於九重。輕脫屣於萬乘。宸旒應厭。凝神點於姑射。淨居有勸。落飾震於魔宮。爾乃屬揖讓朝廷務。殷在此際。會暫停刊。緝今上陛下承累聖之寶稱。順兆民之樂推。天縱雄才。嗤漢武於大略。德尚恭己。法虞舜之無爲。思欲遵前旨之草創。促卽日之賤成。勅正三位守左大臣兼行左近衛大

將藤原朝臣時平。正三位守右大臣兼行  
右近衛大將。臣菅原朝臣道真。從五位上。  
行勘解由次官兼大外記。參河權介。大藏  
朝臣善行。大外記。正六位上。三統宿禰理  
平等。責其參詳。亟有頭角。右大臣○○朝  
臣坐事。左降欵向西府。洎斯文之成立。值  
彼臣之謫行。大外記理平。賜爵遷官。不遂

其業。臣等強勉專精。經引積稔。編次究數。  
筆削畢功。起於天安二年八月乙卯。訖于  
仁和三年八月丁卯。首尾三十年。都爲五  
十卷。名曰三代實錄。今之所撰。務歸簡正。  
君舉必書。綸言遐布。五禮沿革。萬機變通。  
祥瑞天之所祚。於人主災異天之所誠。於  
人主。理燭方策。撮而悉載之。節會儀注。悉

嘗制度蕃客朝聘。自餘諸事。永式是存。粗  
舉大綱。臨時之事。履行成常。聊標凡例。以  
示有之矣。開委巷之常。垂教世之要。妄誕  
之語。弃而不取。焉。臣等生謝含章。辭非隱  
核。膚毫淹祀。覲汗失魂。謹詣朝堂。奉進以  
聞。謹序。延喜元年八月二日。

○日本書紀跋

清原國賢朝臣

御本云。日本書紀歷代之古史也。元正天皇  
養老年中。一品舍人親王。太朝臣安麻呂。  
奉勅撰之。吾朝撰書。迄奏覽。以是爲權輿  
者耶。君臣共以莫不窮此書矣。按應神天  
皇以還。至繼體天皇御宇。異域典經。多以  
雖來朝。不解其義。徒經三百有餘歲矣。推

古天皇御宇。聖德太子。察三才之源。達三國之起。故始以漢字。附神代之文字。傍於千爰吾邦人。浸得識量典經之旨。非至聖誰敢成此。緯哉。蓋神道者爲萬法之根抵。儒教者爲枝葉。佛教者爲花實。彼二教者。皆是神道之末葉也。雅以枝葉顯其本原。然則異曲同工者歟。頃學儒佛者夥。而知

神書者鮮矣。物有本末。事有終始。何棄本取末焉。於神國爭疏神書乎。萬機之政。尚以神事爲最第一。但神代事。理旣幽微。非理不通。欽惟陛下寬惠。睿智之餘。後世惜其流布之不廣。遂命鳩工。於是始壽諸梓矣。舊本頗純。駁不一。求數本。考正之。去其駁。而錄其純。用之國。而及之天下。則以成

熙皞之治。以紹神尊之統。保瑞穗之地。千  
五百秋。將必有賴於斯焉。

慶長己亥。姑洗吉辰。正四位下行少納言  
兼侍從臣清原朝臣國賢敬識

